



Expediente núm. 2026/E001/000005
2026/G003/001529

**DECRETO DE CONTRATACIÓN LABORAL TEMPORAL DE DOUS (2) PEÓNS/PEOAS
NO MARCO DA ACTUACIÓN DE FOMENTO DO EMPREGO RURAL ACTIVA 2026**

ANTECEDENTES DE FEITO

A Orde do 22 de xaneiro de 2026 establece as bases que regulan as subvencións para o fomento do emprego no medio rural (Galicia Suma Talento: Rural Activo) e procede a convocar as mesmas para o exercicio do ano 2026 (DOG núm. 24, do 05/02/2026).

Ao abeiro desta convocatoria este concello obtivo unha achega para a contratación de diverso persoal -dous (2) peóns/peoas, durante nove meses, a xornada completa-, concedida por Resolución da Xefatura Territorial da Consellería de Emprego, Comercio e Emigración da Xunta de Galicia (expediente TR351G-2026-000000079-01).

A concelleira-delegada da Área de Promoción Industrial, Xestión Económica, Emprego, Seguridade e Atención Cidadá, en virtude do disposto no Decreto núm. 2000/2024, do 4 de novembro, de delegación de competencias nos membros da Corporación Municipal (BOP núm. 216, do 08/11/2024), ditou a providencia de inicio do procedemento, que leva data do 27/05/2026.

No expediente obra a proposta de bases efectuada asinada pola concelleira-delegada de Área o 02/06/2026.

A técnica de administración xeral (TAX) encargada da tramitación do procedemento emitiu un informe xurídico favorable que leva data do 03/06/2026.

Pola súa vez, a Intervención Municipal emitiu o informe de fiscalización núm. 323/2026, do 15 de xuño, en sentido desfavorable con reparo suspensivo.

Mediante o Decreto núm. 1187/2026, do 18 de xuño levantouse o reparo suspensivo da intervención municipal.

Logo de recibida a relación de persoas demandantes remitida pola Oficina do Servizo Público de Emprego de Galicia (SPEG), a comisión seleccionadora establecida na base Sétima, reunida en sesións que tiveron lugar os días 7 e 10 de xuño de 2026, procedeu á realización do proceso selectivo e como resultado do actuado declarou aprobados e propuxo a contratación de Gerardo Parapar Rey e de Miguel Ángel Rodríguez Freire.

O tribunal formulou así mesmo, proposta de lista de espera, segundo prescrito nas reitoras da convocatoria.

FUNDAMENTOS XURÍDICOS

O referido informe do funcionario TAX, nos seus apartados II e III, sinala:

“Segunda. A Lei 3/2023, do 28 de febreiro, de emprego, no apartado 1 da súa disposición adicional



CONCELLO DAS PONTES DE GARCÍA RODRÍGUEZ (A CORUÑA)

Parque Municipal s/n · CP 15320 · Telf. 981453116 · REL 01150709 · CIF P1507100D <https://sede.aspontes.org/opencms/gl/index.html>

Ref.: LLA

novena, establece o seguinte: “1. Las Administraciones públicas y, en su caso, las entidades sin ánimo de lucro podrán realizar contratos vinculados a programas de políticas activas de empleo previstos en esta ley con las personas participantes en dichos programas.

La duración de estos contratos no podrá exceder de doce meses y, en el caso de la contratación realizada por Administraciones públicas, los procesos de selección deberán observar los principios de igualdad, mérito y capacidad”.

As entidades locais non dispoñen de competencias para a xestión deste tipo de políticas logo da supresión do artigo 28 da Lei 7/1985, do 2 de abril, reguladora das bases do réxime local (LBRL) polo artigo 1.11 da Lei 27/2013, do 27 de decembro, de racionalización e sustentabilidade da administración local (O citado artigo 28 foi dotado de contido polo Real decreto-lei 6/2023, do 19 de decembro, pero sen que teña relación coa redacción anterior).

Polo tanto, a posibilidade que se abre coa DA 9ª do TRLE está limitada para os concellos, xa que os contratos deste tipo que subscriban deberán estar vinculados a plans de emprego autonómicos ou estatais, o que ocorre no caso obxecto do presente informe.

Terceira. A modalidade de contratación a utilizar será a que sinalan tanto o artigo 15.1 da mencionada Orde e maila resolución de concesión da subvención, que somete a percepción do importe económico da achega a tres condicións. O contido das dúas primeiras é o seguinte:

“1ª.- A selección das persoas traballadoras realizarase na forma prevista no artigo 14 da orde de convocatoria e para a contratación, segundo o establecido no artigo 15, empregarase exclusivamente a modalidade de contrato de traballo vinculado a programas de políticas activas de emprego (código de contrato 405). Os contratos de traballo subscritos deberán comunicarse necesariamente a través da aplicación CONTRAT@, marcando a opción específica “interese social corporacións locais” que figura no punto “Datos específicos do contrato”.

2ª.- A data límite para formalizar a/as contratación/s é o día 1 de xullo de 2026. Excepcionalmente, cando concorran causas debidamente xustificadas, este departamento territorial poderá autorizar o inicio do servizo con posterioridade, previa solicitude para o efecto da entidade subvencionada.”

Por todo iso, a través do presente decreto, RESOLVO:

1. Contratar a Gerardo Parapar Rey, con DNI núm. ***0996** e a Miguel Ángel Rodríguez Freire, con DNI ***1116** coa categoría de peón/peoa, con suxeición ás seguintes condicións:

a) O contrato é laboral, a tempo completo, na modalidade de contrato de traballo vinculado a programas de políticas activas de emprego, código 405.

b) A relación contractual ten unha duración de nove (meses), extinguíndose, en todo caso ao concluír ese período.

2. Formalizar os contratos no modelo preceptivo (código 405) e dar de alta aos interesados en nómina e na Seguridade Social.

3. Establecer a seguinte lista de espera, segundo o establecido na base décima das que rexen a convocatoria:

D. José Prieto Ramil, DNI n.º ***0846**

D. Fernando Valcárcel Vilaboy, DNI n.º ***1481**

* D. Abel Cao Gómez, DNI n.º ***0335**

* D. Martín Castro Freire, DNI n.º ***6151**



CONCELLO DAS PONTES DE GARCÍA RODRÍGUEZ (A CORUÑA)

Parque Municipal s/n · CP 15320 · Telf. 981453116 · REL 01150709 · CIF P1507100D <https://sede.aspontes.org/opencms/gl/index.html>

Ref.: LLA

* Empatados en puntuación e mesmo tempo en realizar proba práctica. O empate dirimirase, de ser o caso, mediane sorteo público.

4. Publicar a presente resolución na sede electrónica (taboleiro electrónico) do concello

Contra a presente resolución, que pon fin á vía administrativa, poderán as persoas interesadas interpor potestativamente o recurso de reposición ante o mesmo órgano que a ditou no prazo dun mes, contado a partir do día seguinte ao da publicación na sede electrónica, segundo establecen os artigos 123 e 124 da Lei 39/2015, do 1 de outubro, do procedemento administrativo común das administracións públicas (LPACAP). Se interpoñen o recurso de reposición non poderán interpoñer o recurso contencioso-administrativo até que sexa resolto expresamente ou se producise a desestimación presunta do recurso de reposición interposto.

Transcorrido un mes dende a interposición do recurso potestativo de reposición sen que se lles teña notificada a resolución expresa entenderase desestimada por silencio administrativo e quedará expedita a vía contencioso-administrativa, podendo interpoñer o recurso contencioso-administrativo no prazo de seis meses, a contar dende o día seguinte ao daquel no que se producise a desestimación presunta. Se o recurso de reposición foi resolto expresamente o prazo para interpoñer o recurso contencioso-administrativo é de dous meses a contar dende o día seguinte ao da notificación do acordo polo que se resolveu expresamente o citado recurso de reposición. Este recurso contencioso-administrativo poderá ser interposto ante o Xulgado correspondente do Contencioso-Administrativo, efectuando a persoa demandante a elección que lle permite o artigo 14.1, regra segunda, da Lei 29/1998, do 13 de xullo, reguladora da xurisdición contencioso-administrativa (LRXCA).

Malia o anterior, poderán impugnar directamente este acto administrativo ante a orde xurisdiccional contencioso-administrativa (artigo 123.1 da LPACAP). Para tal efecto poderán interpoñer recurso contencioso-administrativo no prazo de dous meses a contar dende o día seguinte ao da notificación da presente resolución, perante o Xulgado do Contencioso-Administrativo que corresponda, a teor da elección permitida á persoa demandante polo artigo 14.1, regra segunda, da meritada Lei 29/1998, do 13 de xullo.

Así mesmo, as persoas interesadas poderán interpor calquera outro recurso que estimen procedente ou conveniente.

As Pontes de García Rodríguez, na data da sinatura dixital

O alcalde

Valentín González Formoso